

欽定盛京通志

欽定盛京通志卷之五

聖製

五

聖祖仁皇帝御製詩文

碑頌

祭文

記

詩

欽定四庫全書

欽定盛京通志卷之五

聖製

五

聖祖仁皇帝御製詩文

碑頌

福陵神功聖德碑文

惟

天眷佑下民綏靖方域篤生我

皇曾祖太祖高皇帝肇興東土奮師一旅式闢皇圖大

武布昭深仁洋溢用造我國家萬億年丕丕基駿德

鴻功於燦顯懿駕軼亘古予小子纂承洪緒既奉冊

寶崇上

尊謚載緝徽猷炳垂方策惟

陵寢宜有功德之碑敬述大畧永勒貞珉敘曰

太祖承天廣運聖德神功肇紀立極仁孝睿武弘文定

業

高皇帝姓愛新覺羅氏諱

先世發祥長白山之陽

禎符神貺歷著休征至

皇始祖肇祖原皇帝式廓舊業寢熾寢昌又五傳至

顯祖宣皇帝世濟其勤流長積厚景運懋集神器攸歸
誕啓我

太祖高皇帝

顯祖之長子也

宣皇后娠十有三月乃生龍顏鳳目豐頤大耳天表玉

立舉止非常少不飲酒嬉戲稱爲聰明貝勒及長騎
射絕倫雄略蓋世用兵無敵而又至誠御物大度容
人先是有望氣者言滿洲將生聖人統一諸國至是
滿洲長白山及東海呼倫諸部落爭相雄長癸未春

蘇克素護河部圖倫城有尼堪外蘭者陰搆明軍首
逞大難於我時

太祖二十有五泣血誓師枕干問罪以遺甲十三副攻
尼堪外蘭克圖倫城復攻之於嘉班誅諾密納鼐喀
達取薩爾滸城時異己猜忌包藏禍心伺間竊發天
威所懾罔弗獸驚鳥散遂俘兆嘉城長理岱取瑪爾
敦平定棟鄂哲陳渾河等部丙戌秋擒斬尼堪外蘭
於鄂勒歡城戎首服辜先聲震疊環境諸國相繼削
平旣而葉赫哈達烏拉輝發科爾沁國錫伯卦勒察

珠舍哩訥殷路九姓之國合兵三萬人分道來侵偵
著夜告

太

祖皇帝安寢達旦蓐食濟師殲其渠首餘部皆潰斬
級四千獲馬三千匹鎧甲千副羣方讐服乃增築城
墉修飭法制創制國書開金銀鑛鐵冶所產蠙珠織
皮通厥貿易財用殷阜肇立軍制師律精嚴國勢日
盛丙午冬蒙古五部落尊
太祖爲神武皇帝歲時朝貢絡繹相望而哈達輝發烏
拉數渝盟先後征討悉定其地每當軍行輒見五色

太

欽定盛京通志 卷五
雲亘天祥光四塞立奏鉅功遠邇翕然益四旗爲八
設固山梅勒甲喇牛錄額眞遞相統轄命佐領下各
出牛種屯田積穀貯倉置理政聽訟大臣緩刑慎獄
野無剽竊路鮮拾遺國中大治帝業已成貝勒大臣
集議勸進丙辰之春正月恭上

尊號曰覆育列國英明皇帝建元天命時年五十有八
越二年定策征明明政久弛棄絕和好援我仇讎蕩
搖我邊陲於是誓告有衆類

帝禡旗山行遂入撫順降臺堡五十所繼下清河明大

舉稱兵會於瀋陽號四十七萬張左右翼左翼以杜
松王宣趙夢麟張銓出渾河出撫頌關馬林麻岩潘
宗顏由開河合葉赫兵出三岔口右翼以李如柏賀
世賢閻鳴泰田清河出鴉鵲關劉綎康應乾合朝鮮
兵出寬甸口向棟鄂四路來侵

太

祖皇帝分精騎奮擊大破其衆五日而悉殲之城界
藩取開原破鐵嶺滅葉赫五年克遼陽瀋陽定議建
都始築東京尋取廣寧拔撫順十年遷都瀋陽由是
東漸海西迄遼南及朝鮮北暨嫩江烏龍江以至使

犬諾壘諸路罔不臣服

太祖皇帝神武天錫決幾制勝變化若神每戰輒單騎

深入裏創斬馘神色不動善駕馭材雄推心置腹撫
納降附棄指忿隙恒予擢用法所當坐雖親臨罔所
私攻拔城邑嚴禁軍士安輯居民是以羣策競奮率
士思歸御極以後拓地開疆日不暇給而躬勤於聽
覽留神於載籍修德納諫親賢遠奸建二木於門俾
下情欲達者書之以進尙寬大崇節儉睦宗親厚風
俗重農桑賑窮乏垂示典訓蕩平正直允爲萬世法

程猗歟盛哉天命十一年八月庚戌崩

聖壽六十有八在位十有一年天聰三年二月己亥葬

福陵天柱山崇德元年四月上

尊謚承天廣運聖德神功肇紀立極仁孝武皇帝廟號

太祖康熙元年四月加上

今謚嗚呼有明德衰海宇板蕩之時生民顛憊之會我

太祖皇帝應運蹶生手提天戈披榛辟萊櫛風沐雨掃

邊陲如破竹定遼左若建瓴戡亂求寧非富天下功

極於配

天道隆於昌後歷稽曩代創業垂統之君未有邁此締
造憂勤經綸宏遠者也瞻赫濯之如新撫承平之永
賴歌思光烈曷罄名言謹拜手稽首而作頌曰
天造大邦勃興東極長白山高苞符開闢胤鳥生商履
武誕稷奕葉炳靈肇基王迹

太祖龍飛旋乾轉坤齊徽炎昊比烈義軒時惟草昧陟
嶽降原一成奮起雷動雲屯蠢爾仇方敢作牙孽赫
斯一怒恭行天罰寢甲枕鞍神勇迅發巨憝授首戍
心式遏奇謀倡儻遠略深沈內構者挫外訐者擒單

師十百摧破強隣九邦潰糜四路掃塵攜貳則誅歸
誠則撫義問宣昭仁恩施普大畏小懷實揚我武來
庭來王日闢疆土疆土旣闢歷數在躬膺圖受籙響
應景從三才協軌百靈潛通指揮盪滌振落發蒙覘
敵烏集濟師冰泮夾日貫月卿雲糾縵不義是征功
成惟斷秉鉞稱干

帝

心厭亂環山負海風靡雲披朱旗疾捲汗馬爭馳後
我思恫歌舞迎師紀元頒朔建策開基爰立軍營森
羅鵝鵲步伐止齊井牧相扞爰建國都屹峙屏翰扼

吭拊背皇后攸煥爰命分職勗哉臣鄰爰慎折獄恤
哉祥刑爰達民隱輶鐸重陳爰置國書科斗更新訐
謨孔彰風規渾噩禹誓湯征千秋繼作聲靈覃敷東
西南朔大統乃膺新命迺廓旣詒旣翼如鎬如豐九
圍是式萬國來同卜年卜世惟

太祖功巍巍蕩蕩昭格

蒼穹右享郊壇敷時思繹炳耀圖書輝煌球璧景瞻

福陵神丘是若百川縈朝羣山拱掖葱龍王氣松楸鬱
蒼玉衣永鎮弓劒長藏億載顧慕春露秋霜樹茲穹

碑錫嘏無疆

福陵頌

并序

惟

上帝鑒觀下民誕昇神聖俾立君極以開闢草昧垂統

億祀非甚盛德曷克應天順人而締造鴻業焉我

太祖高皇帝聰明睿知本於性生英武勇略迥不世出

故能躬著戎衣手提尺劍而疆宇日拓丕受景命顯

庸東國騰威區夏雖太王之居岐翦商文王之江漢

歸化未足方斯赫濯也予小子仰荷

列聖丕基統御萬國版章式廓隆古圖籍所莫覲矣然

上蹟

聖祖當日一成一旅櫛風沐雨斬刈荆棘張彼撻伐順
者綏之逆者殄之統壹羣部建元正位國始立焉旣
乃鞠旅徂征遐邇讐服悉臣悉氓遂定鼎遼土而王
業愈光顯矣於戲盛哉惟

天生

聖惟

聖奉